



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 47/ 2011

Paneli Zgjedhor për Ankesa dhe Parashtrësia (PZAP), në panelin e përbërë nga, Ferit Osmani, kryesues, Rafet Haxhaj dhe Hasan Shala, anëtarë, duke vendosur përkitazi me ankesën e Subjektit Politik Lëvizja Vetëvendosje (LVV) me seli në Prishtinë, të paraqitur për shkak të parregullsive gjatë procesit zgjedhor, në seancën e panelit të mbajtur me 13.01.2011, mori këtë:

VENDIM

REFUZOHET ankesa si e pabazuar e Subjektit Politik Lëvizja Vetëvendosje (LVV), A-47 e datës 10.01.2011.

ARSYETIM

Subjektit Politik Lëvizja Vetëvendosje (LVV) me seli në Prishtinë, ka parashtruar ankesë për shkak të parregullsive gjatë procesit të votimit, duke pretenduar se më datë 09.01.2011 në Drenas, një person me emrin Hasan Krasniqi mik i afërt i Hashim Thaqit, rreth orës 17:35, ka votuar për herën e dytë.

Parashtruesi i ankesës konsideron se është bërë shkelje e nenit 178 të KPK-së dhe nenit 92 të LZP-së

Më 10 janar 2011, PZAP-i ka pranuar një ankesë që i ishte dorëzuar nga LVV, duke pretenduar se ka pasur parregullsi në Drenas gjatë procesit të votimit.

Neni 118 paragrafi 1 i LZP-së, specifikon

118.1 PZAP-i pranon ankesat e bazuara në fakte dhe refuzon ankesat të cilat nuk përmbushin standardet.

Rregullat dhe Procedurat e PZAP-it, neni 3.6, pika (c) parashohin si vijon:

- (c) *hollësi rreth çfarëdo dëshmie dhe kopje të çfarëdo dokumentacioni relevant apo dëshmi të tjera në posedim të ankuesit ose udhëzime se ku*

mund të gjenden dëshmitë, në rastet kur të njëjtat nuk janë në posedim të ankuesit.

- ankesa është e pabazuar

Nga shkresat e lendes PZAP vlerëson se ankesa e LVV, ka mungesë të provave për t'u bindur se ka pasur parregullsi gjatë votimit si dhe nuk është ofruar asnjë provë materiale si dëshmi bindëse lidhur me parregullsinë e pretenduar se votuesi Hasan Krasniqi ka votuar dy herë e as nuk është precizuar se ne vend të cilit votues ka votuar si dhe në cilin VV ka ndodhur kjo shkelje. Për këto arsye, dhe duke u bazuar ne dispozitat e lartpërmendura si dhe ne kuptimin e nenit 115.1 të LZP, u vendos si në dispozitiv të këtij vendimi.

PZAP nuk do t'i pranojë kërkesat për ri-apelime, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoha e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*

Paneli Zgjedhor për Ankesa dhe Parashtrës në Prishtinë

A nr. 47/2011 më datën 13.01.2011.

